



Universitätsbibliothek Paderborn

Antonii Bynaei de Calceis Hebraeorum Libri Duo

Bynaeus, Anthony

Dordraci, 1682

Illum qui jure suo cedebat calceum exuisse, adeoque vindicem, multis
adstruitur.

urn:nbn:de:hbz:466:1-12835

346 De CALCEIS HEBRAICIS.

stea conscripsit, aliter ipsi virum fuit. Quanquam incertum, inquit, quo haec pertineant, tamen quia sequitur, & dixit Boaz, videtur non absurde posse referri ad vindicem, qui calceum suum exuerit ac dederit Boozo. Sed fuit tempus cum existimarem hanc referenda potius ad Boozum. Johannes Seldanus, qui hanc controveriam paucis attingit, etiam nihil definit.

Seld. de I.

N. & G.

l. 6. c. 5.

Cap.
præced.

XIII. Licet vero non adeo facile sit tantas compонere lites, puto tamen detractionem calcei ad vindicem referendam, cum signum fuerit, eum cedere suo jure, quod habebat in possessionem quæ redimenda erat. Calceum fuisse signum dominii & juris, quod quis in rem aliquam habebat, atque inde natam eam consuetudinem, ut, ubi juris sive dominii celsio significanda esset, calceus extraheretur, superius docuimus. Unde necesse est, eum, qui jure suo cedebat, & dominium in aliud transferebat, calceum exuisse, ut illi, qui recusabat nuptias viduæ fratri sui, calceus extrahebatur in signum & testimonium eum privari omnijure,

jure, quod in defuncti fratri vi-
 duam ex lege Dei habebat. Quare
 hoc non ad Boozum sed ad vindi-
 cem referendum arbitror, qui, ex
 consuetudine in redemptionibus &
 permutationibus usitata, calceum
 suum exuit, ut constaret se omne
 suum jus in Boozum transferre.
 Hoc vero, quod contendimus,
 eum qui jure suo cedebat calceum
 exuisse, confirmare videntur hæc
 verba: *Obtinuit olim in Israel in re-
 demptione & in permutatione ut firma-
 retur negotium, extrahebat homo cal-
 ceum suum, & dabant proximo suo,*
eratque hoc testimonium in Israel. Op-
 time mihi notasse videntur Belgæ Belgæ ad
 interpres, per proximum eum in- Ruth, 4. 7.
 telligendum esse: *Dien hy sijn recht
 overdroegh, en daar mede van het sel-
 ve in toekomende tijden verstecken was:*
*hoc est, in quem jus suum transfere-
 bat, quo hac ratione sequentibus tem-
 poribus erat privatus, & per ea ver-
 ba, eratque hoc testimonium in Israel,*
*illud denotari: Dat imant het rechte
 van eenigh landt-of erfgoet, als sijn
 eygen te betreden ende te besitten, aan
 een anderen overdroegh: hoc est, ali-
 quem jus alicujus agri aut hæredita-*

tis, tanquam propriam calcandi & possidendi in alium transferre. Sane innuere videtur consuetudinis ratio, ut, qui jure suo cederet, & aliquis rei dominium in alium transferret, calceum exueret, in testimonium atque signum, se impostorum privatum esse omni potestate, quam in rem illam habebat. Quare necesse est non ipsum Boozum calceum suum exuisse, sed vindicem, qui suum redimendi jus Boozo cedebat. Id etiam indicare videntur sacri texus verba: *Edixit redemptor ille ad Boozum: redime tu meo loco, & extraxit calceum.* Videntur enim verisimilius hoc ita capiendum esse, ut vindex, cum Boozo dixisset, ut suo loco redimeret, etiam in signum se cedere suo jure, quod ad redimendum habebat, calceum extraxerit. Ex ratione si hæc facta intelligamus, optime respondebunt verba sequentia. *Et dixit Boozus senioribus, & omni populo: vos estis hodie testes, mi redemisse omnia quæ Elimelechi fuerunt, & omnia quæ Machlonis & Chilzonis fuerunt, à manu Naomi.* Scilicet Boozus, cum extractum cal-

calceum à vindice accepisset, qua
cerimonia in ipsum translatum erat
jus redimendi, testes vocavit se-
niiores populi, & omnes qui ade-
rant præsentes, se redimere quæ
cumque fuerant Elimelechi. Boa-
zi nomen quod hic occurrit, osten-
dere videtur ad eum non pertinere
verba præcedentia, quæ de cal-
cei extractione loquuntur: Nam
si Boozus calceum suum extraxis-
set, ita concipienda fuisse sacra
verba videntur. *Et extraxit Boaz
calceum suum, & dixit senioribus.*
Nunc cum ea verba, *& extraxit
calceum suum*, cum sermone con-
jungantur, quem ad Boozum vin-
dex habuit, colligere proclivius
est ad vindicem pertinere calcei
extractionem. Ut comma octa-
vum referat, quid Boozo dixerit
vindex, quid item fecerit, comma
vero nonum narret, quid factum
sit à Boozo, qui, cum extractum
calceum accepisset, seniores testes
vocavit se cuncta redimere quæ Eli-
melechi fuerunt. Hunc sensum ex-
presserunt LXX. Interpretes, qui,
evitandæ ambiguitatis causa quæ
in codice Hebraeo est, ea supple-
runt.

350 De CALCEIS HEBRAOR.

runt quæ omnem tollunt dubitationem. Καὶ τότε τὸ δικαιώματος ἐμφανίει σὲ τῷ Γραφῇ ἐπὶ τὴν ἀγχοτάτην,
καὶ ἐπὶ τὸ ἀντανταγματο, τῷ τῆσμα πάντα λόγῳ. Καὶ υπελύετο ἀνήρ τὸν
δῆμον ἀντεῖ, καὶ εἶδε τὸν πλησίον αὐτῷ τῷ
ἀγχοτέυοντι τὴν αγχοτάτην αὐτῷ, καὶ
τότε τὸ μαρτυρίον σὺ Γραψίλ. Καὶ ἐπειδὴ^ο ἀγχοτάτης τῷ βοός. Κτητομένων
τὴν ἀγχοτάτην μη. Καὶ υπελύσατο τὸ
υπόδημα αὐτῷ, καὶ ἔδωκεν αὐτῷ,

CAPUT OCTAVUM.

De loco Ps. 60. 10. & 108. 10.
variae interpretum sententiae.
Mollerii & Junii expositio. Cal-
ceo cedere, vel calceum in os
projicere quam contumeliosum?
Ad id tamen non allusit David.
Vatabli, Balduini, & aliorum
explicatio. Omnium error. Bal-
duini ex Tremellio expositio.
Calceum in aliquem jacere si-
dei servandæ signum apud Ara-
bes. Historia insignis. Chiro-
thecam